



Inatsisartunut ilaasortaq Evelyn Frederiksen, Siumut.

**Sanaartugassanut Iluarsagassanullu Aningaasaateqarfik pillugu § 37
naapertorlugu apequteqaatinnut akissut (081/FM2014)**

18. august 2014
Sagsnr. 2014-102711
Dok. Nr. 1666052

Asasara Evelyn,

Inatsisartut suleriaasianni § 37, imm. 1 malillugu, 26. marts 2014 ullulikkamik Sanaartugassanut Iluarsagassanullu Aningaasaateqarfik pillugu apequteqaateqarputit. Ulloq 6. april 2014 allakkatigut nalunaarfigaakkitt akissutissara kingusinnerusukkut takkuttariaqassasoq, tamatumalu saniatigut 30. maj 2014 ilisimatippakkit Sanaartugassanut Iluarsagassanullu Aningaasaateqarfiup 2013-mi killiffia pillugu suliat sumut killinnersut.

Postboks 909
3900 Nuuk
Tlf. (+299) 34 50 00
Fax: (+299) 34 54 10
E-mail: in@nanoq.gl
www.naalakkersuisut.gl

Matumuuna apequtinnut akissutissakka apuutissavakka.

Apeqqut

- 1) Sanaartornissami iluarsartuusseqqinnissamilu aningaasaateqarfimmi (Anlægs og renoveringsfonden) aningaasat qassit uninngappat?

Akissut

2013-mi ukiup naanerani 536 mio. koruunit Sanaartugassanut Iluarsagassanullu Aningaasaateqarfiup uninngasuutigigai nalunaarsorneqarsimapput. 2014-mut aningaasanut inatsimmi aammalu ilassutitut aningaasaliissutit 2014-moortut Inatsisartut Aningaasaqarnermut Akileraartarnermullu Ataatsimiititaliaata akuerisai naapertorlugit Augustip naanera 2014 tikillugu Sanaartugassanut Iluarsagassanullu Aningaasaateqarfimmut aningaasaliissutit katillugit 895 mio. koruuniupput, tamatuma malitsigisaanik aningaasaliissutit aningaasaateqarfimmiittut katillugit 1.431 mio. koruuniullutik. Augustip aallartinnerani sanaartugassatut pilersaarutinut aningaasat atukkat (akiliutigineqartut) Sanaartugassanut Iluarsagassanullu Aningaasaateqarfimmit 169 mio. koruuniupput. Tamatuma kingorna akiliutigineqartut ilanngaatigereerlugit aningaasaateqarfimmiittut augustip aallartinnerani 1.262 mio. koruuniupput. Tapiliullugu erseqqissaatigineqarsinnaavoq, aningaasanit taakkunannga tunngavilimmik siunnersuinnermut aammalu sanaartornermut tunngatillugu isumaqatigiissuteqartoqarpoq, suliasatut pilersaarutinut tigussaasunut aningaasat ikigisassaangitsut taamaalillutik immikkoortinneqareerlutik.

Apeqqut

- 2) Sanaartugassatut pilersaarutit (Projekt-it) suut uninngappat?

Akissut

Tunngaviummik sanaartugassatut pilersaarutinik unlnngatitsisoqanngilaq. Sanaartugassatut pilersaarutit killiffii assigilnngitsuni inissisimasarput Aningaasanut Inatsisip atuutilersinneqarneraniit suliap aallartinneqarneraniillu suliap

naammassineqarsimalluni tunniunneqarnissaata tungaanut. Suliat ingerlanneqarnerini killiffinni assigiinngitsuni pisoqarsinnaasarpog, suliassatut pilersaarutigineqartut nalilersorneqaqqittariaqalernerannik aammalu pisariaqassappat allannngortinneqarnerannik ajornerpaamillu pisoqassappat unisinneqartariaqalernerannik kinguneqarsinnaasumik. Tamatuma saniatigut suliassatut pilersaarutit suliarineqarnerini aningaasaliissutit qaavisigut immikkut aningaasaleeqqittoqartariaqalersimatillugu qinnuteqartoqartariaqartarluni.

Apeqqut

3) Kiisalu sorliit qanorlu nalillit ukioq manna pilersaarutaappat aallartinneqarnissai?

Akissut

Matumani inussiarnersumik innersuutissavakkit Aningaasanut Inatsimmi 2014-moortumi ilanngullugu ilaliussamut "Al 2014 Sanaartugassat ingerlasut piffissamilu 2014-2017-mut sanaartugassat aallartinneqartussat kontonut pingaarnernut agguakkat". Tassani takuneqarsinnaapput sanaartugassatut pilersaarutigineqartut nutaat 2014-mi aallartinneqartut aammalu pilersaarutigineqartut aningaasalersorneqarneri. Tassanittaaq takusinnaavatit pilersaarutit suliassaqarfinnut aammalu sumiiffinnut qanoq agguarneqarsimanersut.

Naggataatigut erseqqissaatigissavara, matuma saniatigut allanik apeqqutissaqaruit uannut kingumut saaffiginninnissannut tikilluaqqusaagavit.

Inussiarnersumik inuulluaqqusillunga


Siverth K. Heilmann